

138

Na osnovu člana 18. Poslovnika Centralne izborne komisije Bosne i Hercegovine („Službeni glasnik BiH”, br. 50/07, 33/09, 24/13 i 32/14), Centralna izborna komisija Bosne i Hercegovine je, na 9. sjednici održanoj 16.02.2017. godine, d o n i j e l a

**PRAVILNIK
o dopunama Pravilnika o vrsti i dodjeli priznanja
Centralne izborne komisije Bosne i Hercegovine**

Član 1.

U Pravilniku o vrsti i dodjeli priznanja Centralne izborne komisije Bosne i Hercegovine („Službeni glasnik BiH”, broj 71/10) u članu 4. u stavu (1) iza tačke g) dodaje se nova tačka h) koja glasi: „blagovremenost i uspješnost rješavanja prigovora i “

U istom članu i stavu iza tačke h) dodaje se nova tačka i) koja glasi: „provođenje izbornih aktivnosti u skladu sa utvrđenim rokovima.”

Član 2.

Ovaj pravilnik stupa na snagu narednog dana od dana objavljivanja u "Službenom glasniku BiH", a bit će objavljen u „Službenim novinama FBiH”, „Službenom glasniku RS”, „Službenim novinama Brčko distrikta BiH” i na web-stranici Centralne izborne komisije BiH www.izbori.ba.

Broj:05-1-02-2-393-1/17
Sarajevo, 16. 02. 2017. godine

Predsjednica
Dr. Irena Hadžiabdić, s. r.

139

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1, tački a) i b) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15 i 41/16) i Odluke o utvrđivanju prava na proceduru asistiranje reprodukcije, broj: 015-180/7-96/09 od 12. 10. 2009. godine, na 4. vanrednoj sjednici, održanoj 31. 01. 2017. godine, donosi

ODLUKU

**O IZMJENI ODLUKE O REALIZACIJI PROJEKTA
FINANSIRANJA ASISTIRANE REPRODUKCIJE**

Član 1

U članu 4 stavu 1 tački a) Odluke o realizaciji projekta finansiranja asistiranje reprodukcije, broj: 015-180/7-UO-42/15 od 28. 05. 2015. godine i broj: 015-180/7-UO-42/15-1 od 30. 06. 2015. godine, dio teksta koji glasi „(24) dvadeset četiri mjeseca”, mijenja se i glasi „(12) dvanaest mjeseci”.

Član 2

Ova odluka stupa na snagu danom donošenja i objavljuje se u Službenom glasniku Brčko distrikta BiH.

Broj: 015-180/7-UO-42/15-2
Brčko, 31. 01. 2017. godine

**PREDSJEDNIK
UPRAVNOG ODBORA**
dr. med. sci. Zoran Tošić, s. r.

140

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tački b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15 i 41/16), u skladu s Finansijskim planom Fonda zdravstvenog osiguranja Brčko distrikta BiH, na 4. vanrednoj sjednici, održanoj 31. 01. 2017. godine, donosi

ODLUKU

**O UTVRĐIVANJU BROJA ZDRAVSTVENIH USLUGA KOJE
SE FINANSIRAJU IZ SREDSTAVA FONDA ZDRAVSTVENOG
OSIGURANJA BRČKO DISTRIKTA BiH**

Član 1

Ovom odlukom utvrđuje se broj zdravstvenih usluga (operativnog zahvata katarakte, operativnog zahvata koljena i operativnog zahvata kuka) koji se finansira iz sredstava obaveznog zdravstvenog osiguranja, za osigurana lica Fonda zdravstvenog osiguranja Brčko distrikta BiH.

Član 2

(1) Fond zdravstvenog osiguranja Brčko distrikta BiH (u daljnjem tekstu: Fond) će finansirati zdravstvene usluge operativnog zahvata katarakte, koljena i kuka u obimu kako slijedi:

R. br.	NAZIV ZDRAVSTVENE USLUGE	BROJ USLUGA NA GODIŠNJEM NIVOU
1.	Operativni zahvat katarakte	240
2.	Operativni zahvat koljena	50
3.	Operativni zahvat kuka	25

(2) Fond će finansirati do 20 zdravstvenih usluga operativnog zahvata katarakte na mjesečnom nivou, odnosno do 240 zdravstvenih usluga operativnog zahvata katarakte godišnje.

Član 3

Komisija za ostvarivanje zdravstvene zaštite van ugovornih zdravstvenih ustanova s područja Brčko distrikta BiH, pratit će izvršenje zdravstvenih usluga iz člana 2 ove odluke.

Član 4

(1) Ova odluka stupa na snagu osmog dana od dana objave u Službenom glasniku Brčko distrikta BiH.

(2) Stupanjem na snagu ove odluke, van snage se stavlja Odluka o utvrđivanju broja zdravstvenih usluga koje se finansiraju iz sredstava Fonda zdravstvenog osiguranja Brčko distrikta BiH, broj: 015-180/7-UO-11/14 od 13. 02. 2014. godine.

Broj: 015-180/7-UO-5/17
Brčko, 31. 01. 2017. godine

**PREDSJEDNIK
UPRAVNOG ODBORA**
dr. med. sci. Zoran Tošić, s. r.

141

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tački b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15 i 41/16), akta gastroenterološkog konzilija, broj: 156/16 od 19. 03. 2016. godine, u skladu s Finansijskim planom Fonda zdravstvenog osiguranja Brčko distrikta BiH, na 4. vanrednoj sjednici, održanoj 31. 01. 2017. godine, donosi

ODLUKU

**O UTVRĐIVANJU KRITERIJA I OBIMU FINANSIRANJA
TROŠKOVA TERAPIJE LIJEKOVIMA "VIEKIRAX"-
"EXVIERA"**

Član 1

Ovom Odlukom utvrđuju se uslovi i kriteriji za odobravanje liječenja osiguranih lica Fonda zdravstvenog osiguranja Brčko distrikta BiH (u daljnjem tekstu: Fond), oboljelih od hroničnog hepatitisa C genotipa 1 i genotipa 4, primjenom terapije lijekovima "Viekirax"[®] (ombitasvir/paritaprevir/ ritonavir tablete) i "Exviera"[®] (Dasabuvir tablete) i obim finansiranja troškova terapije lijekovima "Viekirax" i "Exviera" s Dodatne liste lijekova Fonda.

Član 2

Fond finansira troškove liječenja osiguranih lica Fonda oboljelih od hroničnog hepatitisa C genotipa 1 i genotipa 4, primjenom terapije lijekovima "Viekirax" i "Exviera" na osnovu preporuke ljekarskog gastroenterološkog konzilija JZU „Zdravstveni centar Brčko“ Brčko distrikt BiH ili konzilija gastroenterologa referentnih ugovornih kliničkih centara u obimu do tri osigurana lica Fonda, na godišnjem nivou u skladu s općeprihvaćenim principima od strane FDA i EASL.

Član 3

Liječenje osiguranih lica Fonda oboljelih od hroničnog hepatitisa C genotipa 1 i genotipa 4, primjenom terapije lijekovima "Viekirax" i "Exviera", odobrava se osiguranim licima Fonda koja boluju od hroničnog hepatitisa C genotipa 1 i genotipa 4 što se dokazuje nalazom i mišljenjem gastroenterološkog konzilijuma JZU „Zdravstveni centar Brčko“ Brčko distrikt BiH.

Član 4

Osiguranim licima Fonda iz člana 1 ove odluke, koja ispunjavaju kriterije iz člana 3 ove odluke, Fond odobrava finansiranje liječenja primjenom terapije lijekovima "Viekirax" i "Exviera" u trajanju od 12 sedmica sa "ribavirinom" ili bez njega, osim kod bolesnika s genotipom 1a i cirozom kada terapija traje 24 sedmice.

Član 5

(1) Gastroenterološki konzilij JZU „Zdravstveni centar Brčko“ Brčko distrikt BiH će Fondu dostaviti listu pacijenata kod kojih je moguće primijeniti terapiju iz člana 4 ove odluke.

(2) Obaveza gastroenterološkog konzilija JZU „Zdravstveni centar Brčko“ Brčko distrikt BiH je da, nakon provedene terapije, podnese Fondu izvještaj o izvršenom liječenju osiguranih lica Fonda u svemu prema odredbama ove odluke.

Član 6

Ova odluka stupa na snagu osmog dana od dana objave u Službenom glasniku Brčko distrikta BiH.

Broj: 015-180/7-UO-4/17
Brčko, 31. 01. 2017. godine

**PREDSJEDNIK
UPRAVNOG ODBORA**
dr. med. sci. Zoran Tošić, s. r.

142

Konkurencijsko vijeće Bosne i Hercegovine na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16. i 18. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi koncentracije privrednog subjekta ORBICO d.o.o. za trgovinu Zagreb, Koturaška cesta 69, Zagreb, Republika Hrvatska, podnesenoj putem Advokatskog društva dmb legal d.o.o., Kralja Tvrtka 6, 71 000 Sarajevo, Bosna i Hercegovina na 136. (stotinutridesetšestoj) sjednici održanoj dana 21.12.2016. godine, donio je

RJEŠENJE

- Ocjenuje se dopuštenom koncentracija na tržištu trgovine na veliko parfemima i kozmetikom na teritoriji Bosne i Hercegovine, koja će nastati sticanjem kontrole privrednog subjekta ORBICO d.o.o. za trgovinu Zagreb nad privrednom subjektom EVERET INTERNATIONAL međunarodna trgovinska družba d.o.o. Ljubljana.
- Ovo Rješenje o koncentraciji se upisuje u Registar koncentracija.
- Ovo Rješenje je konačno i bit će objavljeno u „Službenom glasniku BiH“, službenim glasilcima entiteta i Brčko distrikta Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo Prijavu koncentracije (u

daljem tekstu: Prijava), dana 07.06.2016. godine pod brojem broj: 04-26-1-016-11/16, privrednog subjekta ORBICO d.o.o. za trgovinu Zagreb, Koturaška cesta 69, Zagreb, Republika Hrvatska (u daljem tekstu: ORBICO ili Podnosilac prijave), koga zastupa Advokatsko društvo dmb legal d.o.o., Kralja Tvrtka 6, 71 000 Sarajevo, Bosna i Hercegovina, i to advokat Dina Duraković Morankić, po kojoj namjerava steći kontrolu nad privrednim subjektom EVERET INTERNATIONAL međunarodna trgovinska družba d.o.o. Ljubljana, Leskovačka cesta 9 E, 1000 Ljubljana, Republika Slovenija (u daljem tekstu: EVERET INTERNATIONAL ili ciljno društvo) kupovinom (...) % udjela.

Konkurencijsko vijeće je nakon uvida u dostavljenu Prijavu utvrdio da ista nije kompletna i uredna te je zatražilo dopunu aktom broj: 04-26-1-016-1-11/16 dana 07.07.2016. godine i aktom broj: 04-26-1-016-8-11/16 dana 14.11.2016. godine. Podnosilac Prijave je predmetnu Prijavu dopunio podneskom broj: 04-26-1-016-2-11/16 dana 25.07.2016.godine, podneskom broj: 04-26-1-016-3-11/16 dana 19.09.2016. godine, podneskom broj: 04-26-1-016-4-11/16 dana 27.09.2016.godine. i podneskom broj: 04-26-1-016-9-11/16 dana 22.11.2016.godine.

Konkurencijsko vijeće, u skladu sa članom 16. stav (4) Zakona dana 24.10.2016. godine, je objavilo u dnevnim novinama Obavještenje o dostavljenoj Prijavi (akt broj: 04-26-1-016-6-11/16 dana 20.10.2016. godine) (u daljem tekstu: Obavještenje), u kojem su objavljeni podaci o namjeravanoj koncentraciji, te su pozvane sve zainteresovane strane na dostavljanje pisanih komentara u vezi provođenja iste. Na predmetno Obavještenje nisu dostavljeni komentari.

Nakon kompletiranja Prijave Konkurencijsko vijeće je izdalo Potvrdu o kompletnoj i urednoj prijavi, u smislu člana 30. stav (3) Zakona o konkurenciji (u daljem tekstu: Zakona), akt broj: 04-26-1-016-10-11/16 dana 13.12.2016. godine.

Podnosilac prijave je u skladu s članom 30. stav (2) Zakona naveo da ima obavezu podnošenja prijave namjere koncentracije konkurencijskim organima u Sloveniji, Srbiji, Crnoj Gori, Makedoniji, Rumuniji i Bugarskoj.

Prijava je podnesena u smislu člana 16. stav (2) Zakona (pravni osnov je predugovor o poprodaji poslovnog udjela).

Konkurencijsko vijeće je u postupku ocjene dopuštenosti predmetne koncentracije utvrdilo slijedeće činjenice:

1. Učesnici koncentracije

Učesnici predmetne koncentracije su privredni subjekti ORBICO d.o.o. za trgovinu Zagreb, Koturaška cesta 69, Zagreb, Republika Hrvatska i EVERET INTERNATIONAL međunarodna trgovinska družba d.o.o. Ljubljana, Leskovačka cesta 9 E, 1000 Ljubljana, Republika Slovenija.

1.1. ORBICO (Podnosilac prijave)

Podnosilac prijave, privredni subjekt ORBICO d.o.o. za trgovinu Zagreb, Koturaška cesta 69, Zagreb, Hrvatska, je upisan u registru privrednih društava kod Trgovačkog suda u Zagrebu pod registarskim brojem 080234144 dana 11.06.1998. godine. Osnivač i vlasnik privrednog subjekta ORBICO je fizičko lice Branko Rogulić.

Glavna poslovna aktivnost kojom se društvo ORBICO bavi je trgovina na veliko i zastupnik je mnogih brendova za distribuciju na području Republike Hrvatske. Zajedno sa brojnim zavisnim društvima čini ORBICO GRUPU (u daljem tekstu: ORBICO Grupa), koja je priznati distributer velikog broja globalno zastupljenih robnih marki vrhunskog kvaliteta, koje obuhvataju širok asortiman od proizvoda za negu i ljepotu, preko prehrambenih i neprehrambenih proizvoda, tehničkih i električnih uređaja do farmaceutskih proizvoda, igračaka, tekstila, cigareta, motornih ulja.

¹ Podaci predstavljaju poslovnu tajnu